

Grandi y chikito ta demostra nan capacidad riba lama durante Sail Aruba

Nabegantenan Olimpico, competencianan pa nabegantenan principianten den e nivel optimista, botonan traha na man y un bista spectacular, esey ta algun di elementonan den e dos dianan di Sail Aruba 2015 cu ta bay mantene e amantenan di e deporte aki cautiva, incluyendo competencianan den diferente categoria.

Pa publico e ta priminti di bira un espectáculo grandioso, incluyendo e presencia di invitadonan di Cas Real.

Pa e Aruba Sailing Association esaki ta dianan mas druk. Vice-Presidente Eric Mijts a conta durante e conferencia di prensa di Sail Aruba cu ya caba hopi boto a registra pa e competencianan. “Pero ainda tin luga pa esunnan cu kier participa.” Rey Willem-Alexander y Reina Máxima tin un aprecio grandi pa e deporte aki y p’esey a percura pa a inclui un parti di dje den nan programa.

Riba 1 di mei pa 11.50 di



mainta, e Pareha Real ta cera conoci cu e nabegantenan Olimpico: Nicole van der Velden y Thijs Visse (catamaran), Philippine van Aanholt (Laser Radial) y Mac van den Eerenbeemt (RS:X). Pa 12or Reina Máxima ta haci e disparo oficial pa e nabegantenan di mas chikito den e nivel optimista. E competencia ta tuma luga cu un ronchi den e Schoenerhaven. Un ora mas laat ta momento pa lunch, caminda e nabegantenan Olimpico por bay

hunto cu e Rey y e Reina. E cuminda ta tuma 45 minuut pa caba hustamente ora cu e competencia ta finalisa. E ganado ta haya pa 26r di atardi su premio for di man di Nicole Hoevertsz, e miembro Arubano di e Comité Olimpico Internacional.

Un ora mas laat ta reuni tur e nabegantenan cu nan embarcacion dilanti di e kade na Paardenbaai pa e preparacion di e Sail By. Publico riba waf lo admira for di 3pr y 15 un

parada di e nabegantenan. Mayoria di nan, chikito y grandi, ta di Aruba, abordo di e botonan di e competencia y algun traha pa nan mes, ta duna nan miho cara. Entre e participantenan: Zeiljachten, Beach Cats, Sunfish, Windsurfing y Kite surfing, Self Built Boats, Optimist sailors, Olympic sailors y di Aruba

categoria. E punto di partida ta ubica na e entrada pariba di waf. Ta bay tin tres careda, un pa 1or, un pa 2or y e ultimo pa 3or. Tin ademas cinco categoria cu ta wordo disputa: Jacht, Beach Cat, Sunfish y tambe e surfistanan Olimpico Techno 293 y e RS:X. Pa mas informacion di esaki, y tur otro actividad, bishita



Canoe: Paddle Tug of War. Dia 2 di mei e competencianan ta tuma luga entre tur

e website www.sailaruba.aw of www.facebook.com/sailaruba. □